

筆記小說大觀

集

清江日昇識
臺灣外紀 第四冊

進步書局校印



臺灣外記卷十三

清 九閩珠浦東旭氏江日昇識

周全斌金厦大戰

陳永華臺灣造業

康熙二年癸卯。附永曆十七年。

按永曆於康熙元年二月間。被吳三桂追至緬甸所弑已死。天下咸知。成功以路遙而信未確為辭。經仍遵守之。遂存故朔。附稱永曆。

正月。經將安平鎮。交統領顏望忠鎮守。其承天府暨南北二路兵馬地方軍務。委勇衛黃安提調。十一日。經率周全斌。陳永華。馮錫范等。大隊舟師回厦門。諸將迎接。暨守各島將帥咸賀焉。獨伯泰在金門。稱病不至。經遣禮官鄭斌前往金門問病。斌回啓。泰果得寒症未痊。經密與洪旭謀曰。吾伯稱病不來。必有覬覦之意。金厦咫尺。如之奈何。旭曰。風聲勿露。他尚狐疑。容徐圖之。未可造次。有報守崇武楊來嘉。與泰時常餽送往來。情甚周密。經心愈疑。密召周全斌。洪旭計議曰。吾伯有事在懷。難以自如。楊來嘉曾為北使。今無故親厚。其中決有通謀。將何策圖之。全斌曰。彼船隻倍多。未可輕舉。俟窺其便擒之。急則變矣。三月。海澄有密獻城者。經欲親往接應。遂整舟

師泰偵知疑為圖已將眷口悉下船出港口灣泊有勸泰入廈門見經陳明泰曰吾今日惟救死耳若稱兵而入適重吾愆又有勸其如此終難了局不如投誠泰曰先太師業已誤矣泰豈再誤乎俱不聽後海澄事覺經不果行泰仍收回金門終不自安經聞泰舉家在船情狀心愈惶惑全斌曰事久則變不如用香餌法餌之方可經曰何謂香餌全斌曰藩主可稱臺灣新創地方無人約束恐生意外之虞欲眷口盡搬過臺安插然後西向而金廈各島暫交伯總制安彼之心再作計較經曰此計甚善遂鑄金匱總制印五月率泰以前歲用反間之計無效茲乘安輯投誠郎中賁岱之報復再疏曰

為馳報海上情形事康熙二年四月安輯投誠部臣差筆帖式同提臣差官馬天祿到省謁靖藩與臣據筆帖式備云現差林懷前去招撫偽侯鄭泰等據云必俟藩院字到方為真實等語靖藩與臣密商海上諸偽革面革心難以憑信總以遵旨登岸剃髮為憑不妨奉揚朝廷浩蕩洪恩以昭誠信靖藩與臣隨各修剗切一札付部臣來差轉齎去後五月十一日據偽建平侯鄭泰差偽總督楊來嘉楊洪齎啓書赴靖藩與臣軍前閱其書詭向化似殷但以人眾慮登岸安插難周

之意。又據楊來嘉等口稱。三侯遵照前旨登岸剃髮。面見藩院。仍回金門。廈門候旨等語。臣等細思三侯既已登岸。又欲仍回。語屬游移。矧今鄭泰率眾登舟。移泊金門。歸誠之心似切。其洪旭。黃廷等。或廈門。或銅山。未必即能齊心一同登岸。隨面諭楊來嘉等。不必拘定取齊。如三侯一同登岸剃髮。固不失前議。抑或鄭侯先來。洪黃二侯陸續而來。亦無不可。總之鄭泰既傾心向化。事事恪遵。旨意既已率眾登岸。何必又回廈門。若仍如此議論。不敢遽以入告。必須三侯帶領官兵。前來安海地方上岸。或鄭泰先來上岸剃髮。其各官兵並百姓等。但要遵制剃髮。差驗明原住金門。廈門的。照舊暫住候旨紮挿。方敢代為會疏題請。於投誠有功。皇恩浩蕩。自當不論爵賞。撫綏得宜。面諭楊來嘉。令其回去海上。說明。訂以次月初旬赴省回話。臣等一面申飭嚴防。一面整率兵馬。俟有的期而來登岸。毋論一旅或全島。或陸續隨到隨次第安插。謹將近日常情形。會同合疏密題。若夫海上人情叵測。或變幻多端。或觀望未決。臣等所不及料者。但臣有聞必告。盡臣誼之當然。

六月。經令禮官鄭斌。戶官吳慎。齎印諭過金門與泰。且傳命曰。先王新闢臺灣。甫一

載即遭凶變。今雖底定。無人調度為憂。意決東行。諸島地方。煩伯總制。泰喜受印。厚待斌。終未敢過。屢稱謝。弟鳴駿不知其兄細隱。固請曰。骨肉至親。受托土地。重寄。何用如此遲疑。而貽笑於人。泰稍回意。又報初四日。經頭程載黃安楊祥劉國軒等眷口船過臺。而鳴駿力勸其行。初六日。泰往廈見經。經待之如常。語及成功。兩相泫哭。禮意倍厚。且囑其南北固守。泰無疑焉。初七日。經置酒邀泰議事。伏甲兵於內。半席。經擲杯於地曰。左右擒泰。泰言何罪。經出其與黃昭書。泰無可答。經令將泰縊死。即遣周全斌督大煩船隨之。鳴駿聞變。即同楊來嘉楊富率所部。向馬得功投降。馬得功會鳴駿於船。大誇獎。鳴駿坐駕不去口。駿會意曰。若不棄鄙陋。奉讓何如。得功謝之。將自己坐駕船與鳴駿換。得功遂先坐其船。往同安港巡視提調。鄭經因鳴駿率其文武投誠。一時乏人。忽內地偵報。紅毛入福州港。投靖藩總督。願為先鋒。引攻兩島。然後代彼攻臺灣。各船業整船隻。不日興師合擊。經集洪旭周全斌黃廷王秀奇等商議退敵之策。全斌曰。紅毛在臺灣。當時先藩施德不殺。放彼歸國。今投耿藩。借兵報仇。亦是傷弓之鳥。斌願領煩船前往破之。旭曰。當此勁敵。非斌不可。經令全斌督諸鎮分禦。斌曰。不可。當差人入內地探各港分配船隻帶兵者何人。然後設計禦。

之。經從斌請。隨差偵者入漳泉打聽。不數日偵者回報。紅毛已出福州港。提督自坐一號大坐駕。尾樓後寫澄清海宇四大金字。鄭鳴駿坐一號大煩船。尾樓後寫寧海二大金字。楊富坐一號大烏船。尾樓後寫海晏河清四大金字。其餘各鎮營。悉分配船隻。即出泉州港漳州海澄之船。係總督同黃梧施琅統出。經問全斌洪旭如此。各港齊出。當分兵禦之。全斌曰。海澄之師。必猶未敢前。泉州是會夾板合艚而來。其勢雄銳。若破了泉州師。海澄各港自退。斌領煩船二十隻。分配各鎮敵夾板。會泉州之師。經令正兵鎮陳昇守高崎陸路。又令黃廷帶船二十隻泊南山邊。禦海澄之海門。林順領船十隻。在高崎一帶遊颺接應。楊祥領船十隻。在遼羅一帶接應。旭曰。昔先王破達素。悉空廈門。背城一戰。今亦當倣先王遺法。經然之以陳永華馮錫范二人。保護董夫人。並諸宗室鄉紳及提鎮兵民眷船。悉於沿嶼灣泊。經與洪旭王秀奇等。率舟師在大擔列嶼。觀敵接應。十月十九日。相遇於金門烏沙港。全斌以紅毛船大。必在深港。督其舟師由邊而進。互相攻擊。忽楊富諸船至。斌首先直冲艚內。富與戰少怯。斌喝曰。楊富叛賊。今日是汝死日。逼之。富眾傷死殆盡。情急從艚後攀肚帶下水。馮得功見楊富船被奪。隨轉舵來援。全斌望其尾樓後寫是雄鎮金湯四字。發

令曰。前面一船。乃是鄭開的。當為吾擒之。

按開係鳴駿乳名。全斌曾受鳴駿誅。恨之。今既對敵。欲報夙怨。故發令圍攻。不知駿船於出征時。被得功換坐。是以馬得功遭難。

遂揮船各攻。得功四面受敵。火罐藥矢咸盡。兵士傷死。僅存二三。度不能免。恐遭擒受辱。遂投海死。全斌過船。問降卒。方知是得功。嘆曰。何報者誤也。吾欲擒獐。乃中一虎。是此賊之末該死。遂反船。趕與夾板攻打。守高崎將陳昇。遣人密款於黃梧。施琅。琅梧許之。整舟師以待。琅謂梧曰。潮落矣。可督眾船出。梧曰。然。琅將船百隻先行。梧繼其後。黃廷見梧船出。鷄嶼亦起旋帆。發斗頭煩迎敵。矢石如雨。火焰蔽天。奈風與水不順。即退。琅得勝。率其眾奪廈門。飛報李率泰大隊接應。徐而守高崎。陳昇亦至。林順正在高崎一帶禦敵。同安各港船。忽快哨飛報。黃廷敗陣。陳昇投誠。廈門失守。無心戀戰。出與全斌合艤。經見黃廷船失勢。坐遁。欲令王秀奇督煩船往救。而水正退。風又逆。旭曰。且浮橈。看水轉。必有風。方可進兵。未幾。快哨報高崎守將陳昇投誠。廈門已失。秀奇曰。如此。即有風潮。亦徒費其勞。且暫退銅山。再作商量。旭亦勸經下銅山。經從二人議。遂率諸船下銅山。而陳永華。馮錫范。保護董夫人。暨諸宗親。紳衿。

兵民眷口亦到。獨全斌一旅敵住夾板泉州同安諸師。至將日暮。二十船無一失者。知廈門失守。全軍從容退泊浯嶼。林順寄灣鎮海。金門亦破。夾板與諸船集廈門港。率泰方知得功。陣亡大慟哭。紅毛登岸。凡庵觀廟宇神佛諸像俱被壞。以為鬼也。惟有達摩存之。二十六日。黃梧勸率泰來得勝。令夾板為前導。引大隊攻銅山。則鄭經可擒。率泰曰。雖金廈已破。奈昨日之役。提督新喪。彼師無傷。况窮寇勿追。追之則逸。臺灣諒彼此時人心風鶴。可差人到銅山宣布。朝廷德意。並四處招降。以散其黨羽。倘計窮受撫。亦免士卒勞苦。如再抗拒。移師未遲。將所有夾板船隻盡停廈門。令梧與琅差人往鎮海銅山招降。鄭經知全斌擒得功。船又無失。遣鄭斌齎銀牌幣帛。往浯嶼犒賞。大加褒獎。令其暫守浯嶼。相機恢復廈門。耿繼茂李泰差官咸至銅山傳宣。朝廷德意招撫。又密通忠振伯洪旭。若生擒鄭經。許請封為同安侯。鎮守泉州。如海澄公樣。旭笑而卻之。經仍執高麗事。仍若欲削髮登岸。雖死不允。送其差還。康熙三年甲辰。附永曆十八年正月。援剿右鎮林順原與施琅善。琅差蔡媽持書招之。順統全鎮從鎮海投誠。二月。忽報守南澳護衛左鎮杜燁。交通潮州鎮海將軍王國化。從揭陽港投誠。洪旭見日報。諸將叛去。謂經曰。金廈新破。人心不一。銅山必難。

保守。况王院差官。僕僕前來。非為招撫。實窺探以散人心。今各鎮紛紛離散。日報無寧。當速過臺灣。苟遷移時日。恐變起肘腋。悔無及矣。經是之令。陳永華馮錫范送董夫人眷口先行。然後請宗室及鄉紳商議。如欲相從過臺者。速當收拾。撥船護送。若不願相從者。聽之。時有寧靖王瀘溪王魯王世子巴東王諸宗室等。全鄉紳王忠孝辜朝薦沈佺期郭貞一盧若騰李茂春。悉扁舟從行。惟徐孚遠駕船歸華亭。馮澄世船至東旋外。有僕利其財。謀船眾逼澄世赴水死。入泉州投誠。後甲寅之變。鄭經入據泉州。其僕尚在。被錫范所獲。范親剖其心肝。陳祭澄世。三月初二日。盧若騰至澎湖。有微恙。不二日死。遺命題其墓曰。自許先生。後人有詩弔之曰。世外孤崖托老身。從來自許漢朝臣。十年死後非無意。三代完名信有真。避地寧為浮海計。絕周不作採薇人。殘黎在在。同聲哭。想像間時舊角巾。

經馳令周全斌黃廷二人斷後。經同洪旭楊祥等。初六夜放洋。初七日午。到澎湖。間鄉紳盧若騰死。親往哭祭。遂與洪旭踏勘諸島。旭曰。澎湖乃臺灣門戶。上至浙江。遼東。日本。下通廣東。交趾。暹羅。必由之路。當設重鎮鎮守。不可苟且。倘被佔踞。則臺灣難以措手足。經從其議。就媽祖宮設立營壘。左右峙。中置烟墩炮臺。令薛進思戴捷

林陞等守之。以四閱月更代。初十日。經率大隊過臺灣。全斌接經諭。同黃廷斷後。思與廷旭有夙嫌。恐過臺為其所嫉。遂遣心腹將沈吉。送其子周智與率泰為質。泰許封伯爵。吉復命。斌統眾從漳浦鎮海衛投誠。

吉字世貞。漳之詔安人。後征雲貴功。官河南衛參將。

黃廷在銅山。接黃梧差陳克峻密書。虞臺灣新聞荒陬。水土不服。亦於是日從漳浦雲霄投誠。耿繼茂率泰合疏題請。封周全斌承恩伯。黃廷慕恩伯。率泰知鄭經已遁臺灣。即移舟師到銅山。馳令各島及沿邊百姓盡移入內地。逢山開溝。二丈餘濶。名為界溝。又溝內築牆。厚四尺餘。高八尺。名為界牆。逢溪河。用大木椿柵。五里相望。於高阜處置一炮臺。臺外二烟墩。二十里設一大營盤。營將千把總率眾守護其間。日則瞭望。夜則伏路。如逢有警。一臺烟起。左右各相應。營將各揮眾合圍攻擊。五省沿邊如是。時守界弁兵最有威權。賄之者縱其出入不問。有睚眦拖出界牆外殺之。官不問。民啞冤莫訴。人民失業。號泣之聲載道。鄉井流離顛沛之慘非常。背夫棄子。失婦離妻。老稚填於溝壑。骸骨白於荒野。有詩為證。

宮空野鶴呼羣立。門踣城狐引子蹲。墜鉤莫思悲婦女。路隅何處泣王孫。

盜殘兵慘日相連。一旦遷移意外傳。烏雀啄腸農事少。麥苗生土主人邊。

附紀為書遷移。本省泉人張雲章也。不三月。兩目遂盲。

六月。荷蘭揆一王見諸島既平。徙百姓於內地。嚴立界限以守。而總督又班師回省。是無意渡海攻臺。一時情急。領諸夾板盡入福州港。謁耿繼茂。李率泰。陳其有功。前導。用力爭戰。原約合師代彼恢復臺灣。今諸島既平。何不會師。便爾回兵。豈不失信。茂與率泰咸覆以平諸島原議合師。但進兵大事。出在朝廷。非我二人敢專也。前曾有約。自當代爾合疏題請。俟命下之日。然後可興師以慰之。水師提督施琅以鄭經遁臺灣。若不早為撲滅。使其生聚教訓。而兩島必復為竊據。當乘其民心未固。軍情尚虛。進攻澎湖。直搗臺灣。庶四海歸一。邊民無患。詳請耿繼茂。李率泰。泰與繼茂見琅詳議妥確。籌畫有方。兼之紅毛又讓其不合攻臺灣。爽信。遂合疏請題進。勦。七月。鄭經分配諸鎮荒地。寓兵於農。又在承天府起蓋房屋。安插諸宗室暨鄉紳等。八月。改東都為東陵。天興萬年二縣為州。揆一王守候無期。仍率夾板盡上浙江。順次普陀登山入寺。見觀音菩薩羅漢金相。詫曰。鬼也。開所佩劍砍壞。羣居於內。十月。揆一王引諸夾板欲去舟山。船將出港。忽天守地黑。雷電閃爍。暴風震雨。波濤澎湃。

海中突出鐵蓮花將荷蘭所有夾板刺沉於海死無遺類十一月邵文到允水師提督施琅統諸投誠官鄭鳴駿鄭纘緒黃廷周全斌楊富陳蟒楊來嘉林順等進攻澎湖琅差快哨於海外尋獲一王夾板為先鋒十二月北路土番阿狗讓反鄭經遣勇衛黃安平復康熙四年己巳時永曆十九年正月鄭經率文武朝賀永曆於安平鎮偵哨回覆施琅云夾板因上普陀山獲戾觀音菩薩菩薩顯聖於出港日突發鐵蓮花刺沈夾板盡沉於海琅聞嗟異之遂在泉州海澄二港修造船隻擇日興師二月偵報施琅將船欲出攻澎湖鄭經會洪旭黃安陳永華顏望忠馮錫范楊祥等商議旭曰前者紅毛失守因恃其港路紆迴炮臺可賴而不把守澎湖致先王一鼓而下今日紅毛已沒諸將未曾經到此地獨周全斌兩次進勦暗曉情形可速將赤嵌築炮臺設大煩船十隻把守鹿耳門再令一將督舟師往澎湖禦之澎湖固守則東陵可以高枕錫范曰督煩船守鹿耳門者非楊祥不可經從錫范請第出禦澎湖未有其人顏望忠曰望忠受恩兩世當此危急之際敢惜微軀而不向前乎經大悅撫忠背曰今日得公前去余復何慮到澎當相地擇險據要設備以待忠領命經令洪旭抽各鎮屯田者十之三又撥勇衛侍衛各半旅共萬有餘人配大煩船二十隻為

船趕繒各十隻。合戴捷薛進思林陞林應等舟師禦敵。又令劉國軒帶一旅守鷄籠山。何祐等一旅守大線頭。三月。顏望忠至澎湖。就娘媽宮屯設大營於左右峙。各整炮臺。令戴捷林陞二鎮守之。四月。施琅見船隻已備。遂會藩院調諸投誠官鄭鳴駿等兵分配飛。題報出師日期。將大隊舟師出銅山。十五日開洋。是夜三更。至青水沿。忽烟霧四合。颶風大作。狂濤疊至。橫湧冲擊。琅等舟師弗能成艤。各飄散靡定。天明。周全斌陳煒鄭纘緒諸船。或漂碣石。甲子南澳不一。斯役也。失船雖少。損壞甚多。琅等陸續仍收回廈門。具文申報。請藩督院會題。再請寬限。俟修葺船隻。然後興師。五月。琅等悉回海澄。顏望忠列船澎湖。後偵知琅等船隻被颶風打散。仍收回廈門。申文寬限。亦即報經。六月。經馳令薛進思同林陞守澎湖各島。調顏望忠所帶諸軍。與戴捷等船隻。班師回臺灣。經大犒賞。令勇衛侍衛之半旅仍歸伍。其各鎮調撥之三者。仍歸屯所耕作。劉國軒何祐等陸師亦回也。七月。勇衛黃安病死。經大悲憫。厚葬之。以其子為壻。八月。以諮議參軍陳永華為勇衛。永華浯洲人。陳鼎之子。同安學弟子員。兵部侍郎王忠孝與談時事。大有經濟。遂薦於成功。功用之。迨至敗。兩島退守銅山。遁回臺灣。患難之際。與洪旭籌畫相從。剖心不貳。故鄭經毋論大小。悉諮

之其舉止翩翩有輕裘緩帶之風授任勇衛益加心思不惜勞苦親歷南北二路各社勸諸鎮開墾栽種五穀蓄積糧糗挿蔗煮糖廣備興販於是年大豐熟民亦殷足又設立圍柵嚴禁賭博教匠取土燒瓦往山伐木斬竹起蓋廬舍與民休息以煎鹽苦澀難堪就瀨口地方修築坵垵潑海水為酒暴曬作鹽上可裕課下資民食華見諸凡頗定啓經曰開闢業已就緒屯墾畧有成法當速建聖廟立學校經曰荒服新創不但地方狹促而且人民稀少姑暫待之將來永華曰非此之謂也昔成湯以百里而王文王以七十里而興豈關地方廣闊實在國君好賢能求人才以相佐理耳今臺灣沃野數千里遠濱海外且其俗醇使國君能舉賢以助理則十年生長十年教養十年成聚三十年真可與中原相甲乙何愁其狹促稀少哉今既足食則當教之使逸居無教何異禽獸須擇地建立聖廟設學校以收人材庶國有賢士邦本自固而世運日昌矣經大悅允陳永華所請令擇地興建聖廟設學校於承天府鬼仔埔上鳩工築豎基址大興土木起蓋之康熙五年丙午附永曆二十年正月建立先師聖廟成旁置明倫堂又各社令設學校延師令弟子讀書議兩州三年兩試照科歲例開試儒童州試有名送府府試有名送院院試取進充入太學准仍按

月月課三年取中式者補六官內都事擢用陞轉。三月經以陳永華為學院葉亨為國子助教教之養之。自此臺人始知學。六月謠傳水師提督施琅船隻修葺完備業已咨請靖藩耿繼茂總督李率泰又欲出師進攻澎湖鄭經令林陞遣偵探入內地細查飛報以便備禦。七月偵報水師出船日期無定忠振伯洪旭字念盡曰南風將過西北迅烈今歲決未敢東顧但諸島失守幸得東來雖土荒蕪賴伏甫材幹勤督開墾集眾煮海調度井井業已就緒並又建聖廟設學校大興文教將來之昌盛可指日而待也。但文事武備兩者不可缺一慎勿以天塹足恃遂爾偷安忘戰況琅素抱韜畧心懷怨恨加之周全斌兩次過臺水務地方諳熟必能自請東征當勤訓練操演一旦有事便可禦敵。經曰念盡言出金石自當銘佩隨行各鎮營凡農隙時務教習武藝弓矢春秋操演陣法旭曰地方已定船隻第一緊要況東來已有數載諸煩船戰艦悉將朽爛速當修葺堅牢以備不虞。經是之即檄南北路各鎮著屯兵入深山窮谷中採辦桅舵含檀令匠補葺修造旭又別遣商船前往各港多價購船料載到臺灣興造洋艘烏船裝白鹿皮等物上通日本製造銅煩倭刀盔甲並鑄永曆錢下販暹羅交趾東京各處以富國從此臺灣日盛田疇市肆不讓內地八月呂

宋國王遣巴禮僧至臺貢問。經令賓客司禮待之。以柔遠人。巴禮僧求就臺起院設教。陳永華曰。巴禮原名化人。全用詐術陰謀人國。決不可許之。設教。經笑曰。彼能化人。本藩獨能化彼。賜以衣冠。令巴禮僧去本俗。穿戴進見。如違梟首。巴禮僧更衣入行。臣禮經諭。凡洋船到爾地交易。不許生端勒索。年當每船進貢。或舵或桅一。苟背約。立遣師問罪。巴禮僧叩首唯唯。不敢提設教事。遣歸。忠振伯洪旭偶沾寒疾。經令醫調治。朝夕巡視。奈年老憂勞過度。遂不起。大慟曰。經何不幸喪此元老。親為治喪。祭奠擇葬盡禮。以其子磊為吏官。永華之姪繩武為兵官。楊英為武官。葉亨為禮官。柯平為刑官。謝賢為工官。劉國軒為左武衛。薛進思為右武衛。柯祐為左虎衛。九月。陳永華安插已定。船隻整備。又加年豐。但寸帛尺布。值價甚多。皆由設法未稠。故不流通。啓經曰。諸島沿邊遷移。業已三載。清朝亦知我們株守而無西意。然臺灣遠隔江洋。貨物難周。以致興販維艱。當令一旅駐劄廈門。勿得騷擾沿邊百姓。善與內地邊將交。便可接濟。並可偵探邊事。且澎湖不用重兵把守。只留一鎮。汎防飛報可矣。經曰。此論誠是。第未知差撥何將。華曰。撥將即當撥兵。今日兩衛之軍。不可移動。分屯之眾。恐失農時。前有鎮海太武山江勝。乳名欽漳浦人。紫面長鬚。勇畧過人。聚